



JABATAN PERKHIDMATAN VETERINAR MALAYSIA

LAPORAN LIPUTAN MEDIA

08 JANUARI 2021

1. Usaha Perkasa pensijilan halal
2. JAKIM iktiraf 84 logo halal 44 negara dunia
3. 2 pegawai MAQIS direman
4. Syarikat guna logo JAKIM dibatal rugi RM1.49 juta
5. Permintaan daging sejuk beku tempatan sangat tinggi
6. Ambil iktibar kes kartel daging import, perkasa sector halal
7. Pupuk minat industri ternak sejak peringkat sekolah
8. Dua pegawai MAQIS Johor pula direman
9. Dua pegawai MAQIS direman lima hari
10. MAQIS officers remanded in meat cartel scandal
11. MACC detains 2 MAQIS Officers
12. JAKIM approved 84 halal logos from 46 countries

OLEH:

**SEKSYEN KOMUNIKASI KORPORAT
BAHAGIAN PERANCANGAN STRATEGIK DAN PENILAIAN VETERINAR
JABATAN PERKHIDMATAN VETERINAR MALAYSIA**

Isu kartel daging import

Usaha perkasa pensijilan halal

Cadang beri kuasa kepada JAKIM, JAIN ambil tindakan

Oleh Suzalina Halid
suzalina@bh.com.my

Kuala Lumpur: Kerajaan dilihat bergerak ke arah usaha pemerkasaan pensijilan halal, termasuk mencari kaedah terbaik dalam memberi kuasa sewajarnya kepada Jabatan Kemajuan Islam Malaysia (JAKIM) dan Jabatan Agama Islam Negeri (JAIN) mengambil tindakan membabitkan kesalahan berkaitan isu halal di negara ini.

Panel Pensijilan Halal Malaysia, Prof Madya Datuk Dr Mohd Izhar Ariff Mohd Kashim, berkata selama ini JAKIM dan JAIN dilihat hanya berperanan sebagai 'orang tengah' kerana perlu menyerahkan aspek pelaksanaan tindakan kepada agensi lain.

Beliau yang juga Pensyarah Fiqh Fatwa Makanan dan Kepenggunaan Semasa Pusat Kajian Syariah, Universiti Kebangsaan Ma-

laysia (UKM) berkata, JAKIM akan 'terikat tangan' berikutan disebabkan ketiadaan akta yang membolehkan agensi itu mengambil tindakan ke atas isu membabitkan penyalahgunaan sijil halal Malaysia.

"Sebaliknya, JAKIM dan JAIN hanya bergantung kepada pihak lain seperti Kementerian Perdagangan Dalam Negeri dan Hal Ehwal Pengguna (KPDNHEP), Kementerian Kesihatan (KKM) dan Polis Diraja Malaysia (PDRM) untuk tindakan penguatkuasaan," katanya ketika dihubungi BH, semalam.

Beliau berkata demikian sebagai mengulas kenyataan Menteri di Jabatan Perdana Menteri (Hal Ehwal Agama), Datuk Seri Dr Zulkifli Mohamad Al Bakri, mengenai cadangan meminda akta berkaitan pensijilan halal bagi mengelak berlaku pertindihan, selain memperkemas undang-undang sedia ada.

Aspek pensijilan halal menjadi perhatian kebelakangan ini susulan isu kartel daging import yang didakwa menyeludup daging sejuk beku dari luar negara sebelum membungkus semula daging berkenaan menggunakan logo halal untuk pasaran tempatan.

Mohd Izhar Ariff berkata, ke-

rajaan sewajarnya merangka langkah bagi memperkasakan peranan JAKIM dan JAIN berhubung penguatkuasaan sijil halal Malaysia, khususnya dalam memberi kuasa menyaman atau mendakwa pihak bertanggujawab.

Katanya, pergantungan selama ini cenderung kepada Akta Perihal Dagangan 2011, sekali gus mewujudkan lompong dan memerlukan JAKIM serta JAIN diberi kuasa secukupnya untuk melakukan tindakan penguatkuasaan.

"Kita lihat kerajaan mengusahakan supaya JAKIM dan JAIN mempunyai kuasa berbuat demikian kesetia selama ini bagi kesalahan penggunaan logo, tindakan adalah di bawah KPDNHEP manakala yang membabitkan kesihatan berada dalam bidang kuasa KKM.

"JAKIM dan JAIN hanya memantau dokumen (berkaitan halal) sama ada ia sah atau betul sebelum diserahkan kepada pihak berkuasa lain untuk tindakan seterusnya.

Jika ada restoran tidak mematuhi syarat sijil halal, tindakan hanya boleh dibuat oleh KPDNHEP dan kalu babitkan kesihatan seperti kotor ia di bawah tindakan KKM," katanya.

Mohd Izhar berkata, proses me-



Kerajaan sewajarnya merangka langkah bagi memperkasakan peranan JAKIM dan JAIN berhubung penguatkuasaan sijil halal Malaysia.

Mohd Izhar Ariff Mohd Kashim,
Panel Pensijilan Halal Malaysia



Akta sedia ada di bawah KPDNHEP tidak bersifat menyeluruh bagi melindungi pengguna dalam kalangan umat Islam.

Nadzim Johan,
Ketua Aktivis Persatuan
Pengguna Islam Malaysia

wujudkan akta halal secara spesifik memerlukan prosedur panjang dan perlu dibentangkan di Parlimen terlebih dahulu.

Mengulas isu sama, Ketua Aktivis Persatuan Pengguna Islam Malaysia (PPIM), Datuk Nadzim Johan, berkata akta sedia ada di bawah KPDNHEP tidak bersifat menyeluruh bagi melindungi pengguna dalam kalangan umat Islam, khususnya membabitkan aspek halal.

Tanpa akta khusus berkaitan halal di bawah JAKIM, katanya, jabatan itu kelihatan tidak mempunyai kuasa membawa kesalahan berkaitan ke muka pengadilan, sebaliknya terpaksa ber-

gantung harap kepada agensi lain.

"Banyak kes berkaitan halal di bawah KPDNHEP sedangkan ia sepatutnya berada di bawah JAKIM kerana akta itu tidak cukup kuat untuk 'memelihara' aspek halal, terutama membabitkan makanan di negara ini.

"Sebagai contoh, produk itu dilabelkan halal, tapi hakikat adalah sebaliknya.

"Tindakan hanya boleh diambil melalui Akta Perihal Dagangan 2011, tetapi jika akta itu ada di bawah JAKIM, ia lebih spesifik tanpa wujudnya kemunculan berindung di sebalik terminologi di mahkamah," katanya.

JAKIM iktiraf 84 logo halal 46 negara dunia

Kuala Lumpur: Jabatan Kemajuan Islam Malaysia (JAKIM) mengiktiraf 84 logo halal daripada 46 negara di seluruh dunia setakat 1 Disember tahun lalu.

Menteri di Jabatan Perdana Menteri (Hal Ehwal Agama), Datuk Seri Dr Zulkifli Mohamad Al-Bakri, berkata pengiktirafan itu akan membolehkan pengguna bersikap lebih berhati-hati dalam mengenal pasti logo pada produk import dijual di pasaran.

Pada masa sama, katanya, ia turut memudahkan pengimport mengenal pasti produk yang ingin dibawa masuk mempunyai sijil halal diiktiraf JAKIM bagi mengelakkan kerugian dan kekecewaan.

"Rakyat Malaysia, terutama umat Islam yang melancong ke luar negara juga boleh menyimpan maklumat mengenai logo halal yang diiktiraf JAKIM di negara akan dikunjungi, di telefon

masing-masing.

"Pengguna juga boleh muat turun dalam format .pdf, senarai Logo Halal Luar Negara yang diiktiraf JAKIM dengan klik <https://bit.ly/38lkPAz>," katanya menerusi hantaran di Facebook rasminya, semalam.

Sebelum ini, Zulkifli dilaporkan berkata, kerajaan akan meminda akta berkaitan pensijilan halal, selain melaksanakan pendigitalan kod bar produk makanan halal bagi mengelak pertindihan dalam akta berkaitan halal, selain memperkemas undang-undang sedia ada.

Sebelum ini, timbul desakan supaya akta sedia ada disemak dan diselaras bagi memastikan agensi kerajaan berkaitan khususnya JAKIM mendapat lebih peruntukan kuasa dalam melaksanakan undang-undang berkaitan isu halal di negara ini.

Gesaan itu timbul susulan pendedahan mengenai kegiatan kar-



Pengiktirafan itu bolehkan pengguna bersikap lebih berhati-hati dalam kenal pasti logo pada produk import dijual di pasaran.

*Zulkifli Mohamad Al-Bakri,
Menteri di Jabatan Perdana
Menteri (Hal Ehwal Agama)*

tel mendalangi penyeludupan daging import dari negara sumber tidak sah, termasuk diragui status halal, selain penipuan berkaitan logo halal.

Isu kartel daging import

2 pegawai MAQIS direman

Penahanan bantu
siasatan kes
daging import
diragui status
halal, kualiti

Oleh Mohamed Farid Noh
farid_noh@bh.com.my

Johor Bahru: Dua pegawai Jabatan Perkhidmatan Kuarantin dan Pemeriksaan Malaysia (MAQIS) Johor direman lima hari bermula semalam sehingga Isnin depan.

Perintah reman itu dikeluarkan Penolong Pendaftar Mahkamah Majistret Johor Bahru, Nur Izzaty Muhammad Zahari susulan permohonan Suruhanjaya Pencegahan Rasuah Malaysia (SPRM) Johor.

Kedua-dua pegawai MAQIS terbabit, masing-masing berusia 27 dan 31 tahun direman mengikut Seksyen 17 (a) Akta SPRM 2009 bagi siasatan lanjut.

Penahanan mereka dipercayai ada kaitan dengan kes daging import yang diragui status halal dan kualitinya yang dibawa masuk ke negara ini.

Sementara itu, Pengarah SPRM Johor, Datuk Azmi Alias ketika dihubungi berkata, ke-



Dua pegawai MAQIS dibawa keluar dari Mahkamah Majistret Johor Bahru, semalam.

(Foto ihsan SPRM)

dua-dua pegawai MAQIS berke-
naan ditahan di Pejabat SPRM
Johor malam kelmarin.

"Kedua-dua pegawai MAQIS
yang direman itu ditahan di Pe-
jabat SPRM Johor jam 11 malam
tadi (kelmarin), bagi membantu
siasatan," katanya.

Isnin lalu, seorang pengarah
dan dua pekerja sebuah syarikat
pengimport daging sejuk beku
bersama seorang pengarah sya-

rikat pengimport daging sejuk
beku berasingan, direman empat
hari yang berakhir semalam.

Mereka yang berusia 39 hingga
50 tahun itu masing-masing adalah
pengarah, pengarah operasi dan
kerani sebuah syarikat pengim-
port daging sejuk beku di sini.

Seorang lagi adalah pengarah
syarikat berasingan yang men-
jalankan perniagaan sama.

Tiga lelaki dan seorang wanita

itu bagaimanapun dibebaskan
dengan jaminan RM10,000 setiap
seorang, semalam.

Isu daging import mula men-
dapat perhatian ramai selepas
media baru-baru ini melaporkan
taktik kartel menyeludup daging
sejuk beku dari luar negara se-
belum membungkus semula da-
ging berkenaan dengan meng-
gunakan logo halal dan menjual
di pasaran seluruh Malaysia.

Syarikat guna logo JAKIM dibatalkan rugi RM1.49 juta

Shah Alam: Sebuah syarikat mengalami kerugian hampir RM1.49 juta apabila produk mi segera keluarannya disita penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Selangor menerusi satu operasi di Rawang, kelmarin.

Dalam operasi pada jam 12 tengah hari itu, produk mi segera berkenaan disita selepas syarikat didapati ingkar arahan menggunakan logo Halal JAKIM yang sudah dibatalkan.

Pengarah KPDNHEP Selangor, Muhamad Zikril Azan Abdullah, berkata operasi berkenaan membabitkan sejumlah anggota penguat kuasa dari pejabat KPDNHEP Shah Alam di sebuah premis memproses makanan segera di kawasan perindustrian Taman Industri Integrasi Rawang.

Katanya, premis berkenaan diserbu selepas pemantauan yang

dijalankan sejak sebulan lalu yang mana pihaknya mendapati syarikat berkenaan masih menggunakan logo Halal JAKIM yang sudah dibatalkan.

"Difahamkan, penggunaan logo halal dibatalkan atas alasan operasi syarikat itu gagal mematuhi standard pemegang sijil halal seperti yang ditetapkan oleh Jabatan Agama Islam Selangor (JAIS) antaranya keadaan premis yang kotor dan bahan mentah diletakkan atas lantai kiplang.

"Ketika serbuan dijalankan, pasukan menemui sejumlah 1,128,872 pek mi segera pelbagai perisa siap dibungkus menggunakan logo halal.

"Turut ditemui adalah sejumlah 258 gulung dan 2,696.00 unit plastik pembungkus dan hampir 42,000 unit kotak pembungkus yang menggunakan logo halal," katanya dalam kenya-



Penguat kuasa KPDNHEP menyita premis hasilkan produk mi segera di kawasan perindustrian Taman Industri Integrasi Rawang, semalam.

(Foto ihsan KPDNHEP Selangor)

taan semalam.

Beliau berkata, ketika serbuan, penguat kuasa turut menemui wakil syarikat dan dimaklumkan bahawa syarikat sudah membuat permohonan rayuan ke atas penarikan sijil halal namun ditolak oleh pihak JAIS berikutan terdapat teguran yang dibuat gagal

diambil tindakan sewajarnya dalam tempoh yang ditetapkan oleh pihaknya.

Katanya, kes akan disiasat mengikut Perenggan 4 Perintah Perihal Dagangan (Takrif Halal) 2011 dan Peraturan 4 Perintah Perihal Dagangan (Perakuan dan Penandaan Halal) 2011.

Permintaan daging sejuk beku tempatan sangat tinggi

Sintok: Isu kartel daging import yang hangat diperkatakan pada masa ini membuatkan permintaan terhadap daging sejuk beku pada masa ini sangat tinggi dan pengguna kini sangat peka mengenai status halal daging.

Keadaan itu memberi suntikan semangat kepada Zainol Abidin Mohamad yang mengusahakan ladang ternakan lembu dan kambing tempatan, untuk menjadi antara pembekal daging sejuk beku tempatan halal utama di negara ini.

Melalui syarikat Fatimah MZ Agro Farm Sdn Bhd di sini, Zainol Abidin yang juga Ketua Pegawai Eksekutifnya, berkata ladang mereka yang 100 peratus milik Muslim, turut menternak rusa, itik Muscovy, ayam kampung, ayam mutiara, ayam piru serta yang terkini, arnab.

"Jika daging sejuk beku adalah keluaran tempatan dan membabitkan urusan niaga yang 'berakad', saya pasti pengguna akan lebih yakin dengan status halal daging itu dan inilah yang mendorong saya untuk menjalankan perusahaan ini," katanya.

Ketika ditemui BERNAMA di ladangnya di Mukim Temin, dekat sini, beliau berkata, kapasiti maksimum bagi ternakan lembu di ladangnya dalam satu masa boleh mencecah 1,000 ekor, manakala kandang kambing pula boleh menampung sehingga 2,000 ekor dan arnab sebanyak 5,000 ekor.

Beliau berkata, pihaknya juga dalam usaha untuk menyediakan kawasan ragut di ladang yang mempunyai keluasan keseluruhan lebih 4.04 hektar yang diusahakan sejak Februari tahun lalu itu.

"Kami juga sangat berharap agar kerajaan dapat membantu menyediakan tempat ragut berikutan kini kami membeli dedak dari luar dan kosnya sangat tinggi. Kalau kerajaan dapat membantu, kos akan menjadi lebih rendah dan kami boleh menjual ternakan pada harga lebih rendah.

"Dari segi infrastruktur kandang dan sistem saliran di ladang, kami berharap agar dibantu supaya dapat ditambah baik kerana kami mementingkan kualiti ternakan. Ternakan kami juga hanya minum air mineral, bukan terus daripada paip biasa," katanya.

Mengenai sasaran jualan ternakan di ladangnya untuk tahun ini, Zainol Abidin berkata pihaknya menjangka mampu menjual 500 lembu dan 1,000 kambing pada Aidiladha.

BERNAMA

MukaSepuluh

E-mel: bhrencana@bh.com.my

BH diterbitkan oleh The New Straits Times Press (M) Bhd, 31, Jalan Riong, 59100 Kuala Lumpur

Dr Mohd Nizam
Ab Rahman



Dr Ariff Azly
Muhammed



Ambil iktibar kes kartel daging import, perkara sektor halal

Malaysia digemparkan dengan pembongkaran kartel daging import yang diimport dari beberapa negara luar. Ia membuka mata banyak pihak mengenai kepentingan sistem pengurusan rantaian bekalan halal di Malaysia.

Tamparan hebat juga buat Malaysia sebagai hab halal terkemuka dan peneraju sektor itu pada peringkat global.

Sistem pengurusan rantaian bekalan halal yang kompleks membabitkan kos dan komitmen tinggi baik di sektor pembekalan, logistik, pergudangan atau peruncit.

Ia membuka peluang kepada pihak tidak bertanggungjawab dalam mana-mana bahagian rantaian untuk menawarkan bahan mentah (daging) di ragui status halal pada harga lebih murah, berbanding disediakan pembekal yang mempunyai persijilan halal.

Ini mencetus kekeliruan, termasuk kepada peruncit untuk memastikan daging diperolehi bersumberkan pembekal yang mempunyai persijilan halal diiktiraf Jabatan Kemajuan Agama Islam Malaysia (JAKIM).

Aktiviti lain dalam rantaian pembekalan juga perlu diurus dan patuh syariah baik ketika penyimpanan, pembungkusan, pergudangan dan pengangkutan untuk mengelak percampuran daging halal dan tidak halal atau pencemaran silang.

Tidak terhad kepada sektor pembekalan, kompleksiti sistem rantaian bekalan halal juga memberi kesan langsung kepada sektor logistik, termasuk pengangkutan.

Sektor logistik halal perlu memperuntukkan fasiliti khusus seperti stor penyimpanan, pengangkutan dan pengendalian yang hanya terhad kepada produk halal untuk mengelak pencemaran silang.

Perkara ini memerlukan kos tinggi dan tenaga kerja kompeten dalam pengendalian produk halal, terutama bahan mentah seperti daging import yang berisiko tinggi berlaku pencemaran silang ketika penyimpanan dan pengangkutan.

Berdasarkan sumber direktori Perbadanan Pembangunan Halal (HDC), hanya lima syarikat logistik mempunyai persijilan halal JAKIM.

Ini memberi gambaran jelas bahawa kurang kesedaran pihak pengurusan logistik terhadap keselamatan pengurusan produk halal dan keperluan meningkatkan bilangan syarikat logistik halal yang mempunyai persijilan halal. Cabaran dan tuntutan semasa serta

gaya hidup masyarakat kini yang menggemari produk sejuk beku, makanan segera tetapi segar, serta pesanan dalam talian dan penghantaran terus membuktikan keperluan kepada syarikat logistik patuh syariah turut berkembang.

Walaupun akreditasi persijilan dan logo halal JAKIM diiktiraf dan diterima pakai serata dunia sebagai piawaian persijilan terbaik, JAKIM masih berdepan ancaman perilaku salah oleh pihak tidak bertanggungjawab.

Satu lonjakan dan pembaharuan drastik perlu dilakukan melalui agensi penguatkuasaan halal dalam ekosistem rantaian pembekalan untuk menjamin tidak berlaku sebarang penyalahgunaan logo halal JAKIM.

Isu permasalahan integriti juga kritikal dihadapi dalam sistem rantaian bekalan halal. Ini terbukti melalui pendalaman mengenai pembabitkan beberapa pegawai tertinggi dalam proses kelulusan import.

Kes berkaitan kartel daging benar-benar menjejaskan dan menimbulkan persoalan rakyat kepada nilai integriti pihak berkuasa negara, sekali gus mencalaran reputasi keseluruhan sistem pentadbiran halal negara.

Secara makro, walaupun isu nilai integriti hanya membabitkan beberapa pegawai, keseluruhan organisasi turut terpalit secara tidak langsung dan ia perlu dipandang serius.

Di sebalik cabaran kritikal dihadapi sistem rantaian pembekalan halal daging mentah yang diimport, wujud beberapa peluang penambahbaikan terhadap sistem rantaian sedia ada untuk memastikan kualiti dan jaminan halal produk daging diimport tidak meragukan.

Penggunaan teknologi dalam sistem rantaian bekalan halal penting untuk mengelak berlaku pencabulan terhadap proses persijilan halal oleh pihak tidak bertanggungjawab seperti berla-

ku dalam kes kartel daging import ini.

Penggunaan kod respon pantas (QR) dalam menggantikan logo dagangan halal dilihat penyelesaian terhadap isu logo halal palsu yang mudah dimanipulasi pihak tidak bertanggungjawab.

Kemudahan penggunaan kod QR membolehkan pengguna atau pembeli mengimbas dan mendapatkan maklumat berkenaan status persijilan halal pembekal, logistik dan peruncit.

Sistem persijilan halal perlu seiring perkembangan teknologi, yang mana penggunaan teknologi dalam kalangan pengguna masa kini dilihat sebagai peluang keemasan kepada JAKIM untuk melangkah seiring perkembangan teknologi.

Kerajaan, terutama Kementerian Pertanian dan Industri Makanan juga perlu memainkan langkah penting mengurangkan kebergantungan bekalan daging mentah kepada negara luar.

Ini dapat dicapai dengan mewujudkan skim bantuan terhadap usahawan ternak desa tempatan untuk membabitkan diri dalam proses pembekalan daging mentah kepada sektor runcit dalam negara.

Peluang ini perlu dilihat sebagai langkah serampang dua mata oleh kerajaan untuk memastikan jaminan halal daging mentah dan keselamatan makanan terjamin, dengan mengurangkan kebergantungan bekalan daging mentah import.

Memperbanyakkan pembabitkan syarikat Muslim dalam sistem pengurusan pembekalan halal juga dilihat sebagai peluang mengurangkan risiko kefahaman salah laku halal dan meningkatkan keyakinan pengguna.

Isu kartel daging import seharusnya membuka mata kerajaan untuk menstruktur semula pihak berkuasa bertanggungjawab dalam ekosistem pengurusan halal bagi daging import ini.

Ini adalah isu kartel daging import ini perlu dilihat merentasi bukan se-

kadar isu persijilan halal semata-mata, tetapi juga soal integriti pihak berkuasa yang bertanggungjawab dalamadbir urusan halal dan berkaitan.

Persoalan bukannya berapa banyak agensi penguatkuasaan terbahagi dalam pengurusan produk daging halal, tetapi berapa tinggi nilai integriti dimiliki pegawai yang diberi amanah dan tanggungjawab dalam memastikan daging mentah diimport mematuhi piawaian halal ditetapkan.

Di luar batas pemikiran apabila isu kartel daging import berleluasa selama hampir berdekad tanpa dapat dikesan seorang pegawai yang memegang amanah.

Oleh itu, kerajaan perlu melihat isu integriti dalam kalangan pegawai awam sebagai peluang memberi latihan dan seminar berkala untuk mempertahankan nilai integriti.

Lantikan pegawai memegang amanah bukan sahaja terdiri daripada mereka yang mempunyai pengetahuan meluas mengenai piawaian persijilan halal, tetapi juga mahir mengenai proses input-output dan aktiviti teknikal dalam sistem rantaian pembekalan daging.

Semua inisiatif ini penting untuk memulihkan imej agensi kerajaan terbahagi, sekali gus mengembalikan keyakinan awam dan antarabangsa terhadap kesungguhan kerajaan dalam memastikan isu kartel daging import tidak berulang pada masa hadapan.

Tuntasnya, cabaran dihadapi pihak pemegang taruh dalam pengurusan rantaian bekalan halal, terutama sektor makanan seperti produk daging mentah akan sentiasa wujud selari perkembangan zaman apabila kesedaran pengguna terhadap kepentingan keselamatan makanan halal semakin meningkat.

Halal juga melambangkan dan boleh diizibagi sebagai pencapaian piawaian kualiti sesuatu produk makanan.

Akan tetapi, cabaran yang wujud perlu dilihat sebagai peluang keemasan untuk pemegang taruh meningkatkan piawaian kualiti dan jaminan keselamatan produk makanan halal, sekali gus membuka mata dunia terhadap kesungguhan kerajaan Malaysia untuk bergelar sebagai hab halal terkemuka global.

Dr Mohd Nizam adalah Profesor di Fakulti Kejuruteraan dan Alam Bina Universiti Kebangsaan Malaysia (UKM), manakala Dr Ariff Azly adalah penyelidik di fakulti sama

Kerajaan, terutama Kementerian Pertanian dan Industri Makanan juga perlu memainkan langkah penting mengurangkan kebergantungan bekalan daging mentah kepada negara luar. Ini dapat dicapai dengan mewujudkan skim bantuan terhadap usahawan ternak desa tempatan untuk membabitkan diri dalam proses pembekalan daging mentah kepada sektor runcit dalam negara.

Pupuk minat industri ternak sejak peringkat sekolah

Baru-baru ini, rakyat Malaysia khususnya yang beragama Islam dikejutkan dengan isu daging import yang bercampur dan diragui status halal-halalnya.

Pelbagai spekulasi timbul, cerita antara benar dan palsu juga tersebar luas, ada jabatan kerajaan yang tak lena tidur dibuatnya.

Hakikatnya, semua ini menunjukkan betapa umat Islam di Malaysia amat mengambil berat tentang isu halal haram terutamanya yang membabitkan makanan. Ini satu sikap yang amat terpuji dan bertepatan dengan kehendak Allah SWT dan Rasul-Nya.

Hikmahnya pula, rakyat mula memilih untuk mengutamakan daging tempatan. Harga daging tempatan yang biasanya sedikit tinggi sudah tidak menjadi isu. Yang penting status halal terjamin.

Sebenarnya daging tempatan sangat sedikit dan tidak mampu menampung keperluan penggunaan daging negara.

Statistik pada 2018 yang dikeluarkan Jabatan Perkhidmatan Veterinar serta Makanan menunjukkan bahawa pengeluaran daging lembu tempatan adalah sebanyak 46,923.6 tan metrik, sedangkan penggunaannya pula mencecah 205,082.2 tan metrik.

Ini menunjukkan pengeluaran daging lembu tempatan hanya dapat menampung 10.95 peratus sahaja daripada penggunaan, manakala selebihnya iaitu 89.05 peratus masih diimport.

Sama seperti lembu, pengeluaran daging kambing dan bebiri tempatan juga sangat rendah berbanding import. Dari pada jumlah penggunaan 40,500.1 tan metrik, pengeluaran daging kambing tempatan hanya 4,433.7 tan metrik sahaja, yang hanya dapat menampung 22.88 peratus daripada keperluan pasaran.

Dengan kata lain, statistik itu mendedahkan betapa besarnya peluang yang ada untuk kita rakyat menceburi bidang penternakan.

Untuk lebih jelas lagi, mari kita baca nombor terbabit dalam bentuk bilangan haiwan. Jika diambil purata berat seekor lembu 300 kilogram (kg), maka bilangan lembu yang masih perlu ditanam bagi memenuhi permintaan pasaran tempatan adalah sebanyak 527,195 ekor; manakala kambing pula sebanyak 721,328 ekor. Bayangkan berapa ramai usahawan ladang yang boleh dilahirkan bagi mencapai angka itu.

Malangnya bidang penternakan bukanlah pilihan kerjaya anak-anak muda negara kita, tidak kira tahap pendidikan mereka.

Sehinggalah jika ada graduan yang mengusahakan industri perladangan dan penternakan, terus dia menjadi tular dan popular, seakan-akan perkara itu satu keajaiban.

Mungkin antara satu sebab perkara ini berlaku adalah kurangnya pendidikan anak-anak muda terhadap potensi industri penternakan, khususnya di pe-

ringkat persekolahan menengah.

Pada pendapat saya, pelajar sekolah menengah sudah boleh diperkenalkan kepada industri penternakan dan perladangan. Jangan hadkan program latihan ke pusat sains, muzium dan Putrajaya sahaja.

Bawa murid ini melawat ladang. Beri mereka peluang 'berkenalan' dengan lembu, kambing dan ayam. Beri mereka pengalaman memerah susu kambing, memungut telur puyuh dan menghalau itik masuk rebab.

Dedahkan mereka kepada industri dan teknologi berkaitan penternakan. Bawa mereka ke makmal biogenetik untuk melihat kajian berkaitan baka, kawalan penyakit dan teknologi makanan.

Boleh juga bawa mereka ke pusat penyembelihan berdaftar yang bersih, lengkap dan berteknologi tinggi. Perusahaan daging sejuk beku juga satu bidang yang menarik untuk diberi pendedahan.

Melangkah setapak lebih jauh, saya berpandangan koperasi sekolah juga perlu berani menceburi diri dalam industri penternakan. Seperti mana yang kita maklum, koperasi sekolah adalah medan untuk murid belajar mengenai perniagaan, pelaburan, saham dan untung rugi.

Jika kini sudah ada koperasi sekolah yang meneroka bidang selain peruncitan, seperti percetakan, pelancongan dan inap desa, kenapa tidak koperasi memanfaatkan kawasan hujung padang

sekolah untuk aktiviti penternakan seperti arnab, burung puyuh ataupun ayam yang ditanam secara lepas bebas. Malah, tidak mustahil juga untuk koperasi mengusahakan penternakan lembu dan kambing.

Sebagai ahli koperasi sekolah, pelajar yang berminat boleh membantu menguruskan ladang koperasi secara amali, terutamanya pada waktu petang ataupun semasa hari minggu.

Dari sudut jangka pendek, pelajar akan memperoleh pengalaman. Koperasi pula berpotensi mengaut keuntungan hasil jualan ternakan.

Namun, dari sudut jangka panjang, pelajar terbabit terbuka minda mereka ke arah industri perladangan dan penternakan, sekali gus mereka mempunyai pilihan apabila tamat belajar di universiti nanti sama ada untuk mencari kerjaya dalam bidang dipelajari atau kembali menceburi diri secara profesional dalam bidang penternakan yang mereka minati.

Akhirnya, selain potensi keuntungan yang besar, mereka akan mendapat pahala berganda kerana melaksanakan faridu kifayah iaitu membekalkan daging yang berstatus halal lagi suci kepada umat Islam seluruh Malaysia.

Nor Azam Abdullah,
Pengurus Sekolah Berasrama Penuh
(SBP) Integrasi Rawang

Disyaki terima rasuah daripada penyeludup daging Dua pegawai Maqis Johor pula direman

Oleh KHAIRUL MOHD. ALI

JOHOR BAHRU – Dua pegawai Jabatan Perkhidmatan Kuarantin dan Pemeriksaan Malaysia (Maqis) Johor direman selama lima hari bermula semalam selepas disyaki terlibat dengan sindiket kartel daging sejuk beku import yang didedahkan awal Disember tahun lalu.

Perintah reman ke atas kedua-dua suspek berusia 27 dan 31 tahun itu dikeluarkan Penolong Pendaftar, Nur Izzaty Muhammad Zahari di Mahkamah Majistret Johor Bahru di sini.

Kedua-dua suspek dipercayai bersekongkol dengan syarikat yang didakwa kartel daging sejuk beku dari negara yang tidak dibenarkan oleh Malaysia.

Mereka merupakan pegawai Maqis yang bertugas di Pelabuhan Tanjung Pelepas, Gelang Patah di sini.

Pengarah Suruhanjaya Pencegahan Rasuah Malaysia (SPRM) Johor, Datuk Azmi Alias memaklumkan kedua-dua suspek ditahan di Ibu Pejabat SPRM negeri pada pukul 11 malam kelmarin.

"Mereka disyaki menerima rasuah bagi aktiviti penyeludupan bahan mentah sejuk beku dari negara yang dilarang untuk dibawa masuk ke Malaysia.

"Mereka ditahan bagi membantu siasatan yang dijalankan pihak berkuasa," katanya dalam satu kenyataan ringkas di sini semalam.

Kedua-dua suspek yang ditahan disiasat mengikut Seksyen



DUA pegawai Maqis Johor direman lima hari di Mahkamah Majistret Johor Bahru bagi membantu siasatan berkaitan kartel daging import sejuk beku.



LAPORAN Kosmo! 5 Januari 2021.

17(a) Akta SPRM 2009 atas tuduhan menerima rasuah.

Pada 2 Disember lalu, Maqis mendedahkan kegiatan kartel daging sejuk beku import yang membawa masuk daging tanpa

sijil halal sebelum meletakkan logo halal palsu untuk dijual di pasaran tempatan.

Sementara itu, empat individu lain melibatkan tiga pengarah syarikat dan seorang kerani yang direman selama empat hari bersabit skandal sama telah dibebaskan semalam dengan jaminan SPRM selepas tempoh reman tamat.

Kesemua mereka membayar ikat jamin RM10,000 setiap seorang.

Kesemua suspek yang berusia antara 39 hingga 50 tahun itu dikenakan perintah reman selama empat hari bermula Isnin lalu oleh Mahkamah Majistret di sini.

4

Bilangan individu syarikat pengimport daging sejuk beku ditahan Isnin lalu

Oleh Mohamed Farid Noh
farid_noh@bh.com.my

Johor Bahru

Dua pegawai Jabatan Perkhidmatan Kuarantin dan Pemeriksaan Malaysia (Maqis) Johor direman lima hari bermula semalam bagi membantu siasatan berkaitan kartel daging sejuk beku.

Penolong Pendaftar Mahkamah Majistret Johor Bahru, Nur Izzaty Muhammad Zahari membenarkan perintah reman Suruhanjaya Pencegahan Rasuah Malaysia (SPRM) Johor membuat permohonan pagi semalam.

Kedua-dua pegawai Maqis berusia 27 dan 31 tahun itu direman mengikut Seksyen 17 (a) Akta Suruhanjaya Pencegahan Rasuah Malaysia 2009.

Sementara itu, Pengarah SPRM Johor, Datuk Azmi Alias ketika dihubungi berkata, kedua-dua pegawai Maqis berkenaan ditahan di Pejabat SPRM Johor 11 malam kelmarin.

Isnin lalu, seorang pengarah dan tiga pekerja sebuah syarikat pengimport

PEGAWAI SPRM Johor membawa dua pegawai Maqis Johor keluar dari Mahkamah Majistret Johor Bahru selepas mendapat tahanan reman lima hari bermula semalam hingga Isnin depan.



Dua pegawai Maqis direman lima hari

Bantu siasatan SPRM berkaitan kartel daging sejuk beku

daging sejuk beku di sini, direman empat hari berakhir hari ini.

Semua mereka yang direman itu berusia antara 39

hingga 50 tahun membatikan pengarah, pengarah operasi, kerani syarikat sebuah syarikat pengimport daging sejuk beku serta

seorang lagi pengarah syarikat lain.

Bagaimanapun, mereka dilepaskan dengan jaminan SPRM Johor.

Media sebelum ini melaporkan mengenai kartel daging import yang dipercayai membawa masuk daging yang diragui status halal.

MAQIS OFFICERS REMANDED IN MEAT CARTEL SCANDAL

» PAGE 5

MEAT CARTEL CASE

MACC DETAINS 2 MAQIS OFFICERS

Suspects aged 27 and 31 accused of accepting bribes for smuggling activities remanded for 5 days

JOHOR BARU

TWO officers from the state's Malaysian Quarantine and Inspection Services Department (Maqis), who were detained on Wednesday to assist in the investigation of the frozen meat cartel case, were remanded for five days, starting yesterday.

Bernama reported that the remand order until Jan 11 was issued by the Johor Baru Subordinate Courts' Assistant Registrar Nur Izzaty Muhammad Zahari after allowing the remand applications by the Malaysian Anti-Corruption Commission (MACC).

The remand period would allow the two suspects, aged 27 and 31, to be further investigated under Section 17 (a) of the MACC Act 2009.

The two, who were stationed at the Port of Tanjung Pelepas, Gelang Patah in Iskandar Puteri, near here, were detained at the



A Malaysian Anti-Corruption Commission (MACC) officer escorting the Malaysian Quarantine and Inspection Services Department officers out of the magistrate's court in Johor Baru yesterday. PIC COURTESY OF JOHOR MACC

state MACC headquarters about 11pm on Wednesday after they were suspected of accepting bribes for the smuggling activities.

On Dec 2, Maqis unearthed the cartel's activities that brought in meat without a halal certificate,

before placing fake halal logos on the meat for local market sale.

In another development, four individuals comprising three company directors and a clerk, who were also remanded for four days in connection with the same scandal, were released on MACC

bail of RM10,000 each after their remand periods ended yesterday.

The suspects, aged between 39 and 50, were remanded for four days starting Monday by the magistrate's court here.

It was recently reported that a cartel had been importing non-

certified meat and selling it as halal meat in Malaysia.

The cartel had reportedly been operating for over 40 years and imported meat from non-halal-certified slaughterhouses in a few countries, such as Brazil, Bolivia, Canada, Colombia, Spain and Mexico.

The meat, smuggled out of the port, would be taken to warehouses, where it would be mixed with halal-certified meat and repacked with fake halal logos, then sold on the market.

Johor police had on Dec 27 received 15 reports regarding the "meat cartel" scandal, which has shocked Malaysians.

Its chief, Datuk Ayob Khan Mydin Pitchay, said 13 of the reports were from the Domestic Trade and Consumer Affairs Ministry, while the rest were from the Customs Department and a political party.

On Dec 29, several non-governmental organisations lodged police reports urging the authorities to investigate the meat cartel scandal involving the importation of meat with dubious halal status.

Malaysia Muslim Halal Meat Importers Association president Datuk Dr Mohd Noor Ali Akbar said his association and several other NGOs are calling for fast action to be taken in response to public concern over the issue.

LIST AVAILABLE ONLINE

Jakim approves 84 halal logos from 46 countries

KUALA LUMPUR: The Islamic Development Department (Jakim) has approved 84 halal logos from 46 countries, as of Dec 1 last year, said Minister in the Prime Minister's Department (Religious Affairs) Datuk Seri Dr Zulkifli Mohamad Al-Bakri.

In a Facebook post yesterday, Zulkifli said the 46 countries were Australia, with eight halal logos approved by Jakim, followed by Japan (seven), China (six), four each in India and United States, and three each in Brazil, the Netherlands, the Philippines and South Africa.

Two halal logos each from Canada, Italy, Kazakhstan, New Zealand, Pakistan, Poland, South Korea, Spain, Switzerland, Turkey and the United Kingdom were also approved.

Jakim also approved one halal

logo each from Austria, Argentina, Bangladesh, Belgium, Bosnia and Herzegovina, Brunei, Chile, Croatia, Egypt, France, Germany, Indonesia, Iran, Ireland, Kenya, Lithuania, Maldives, Morocco, Portugal, Singapore, Sri Lanka, Taiwan, Thailand, Tunisia, Ukraine and Vietnam.

He said with the halal logos, consumers could identify the logos from abroad recognised by Jakim for imported products being sold in the market.

It also facilitates the importers to identify products that have halal certificates recognised by Jakim to be imported into Malaysia, to avoid losses and doubts.

DATUK SERI DR ZULKIFLI MOHAMAD AL-BAKRI
Minister in the Prime Minister's Department (Religious Affairs)

"It also facilitates the importers to identify products that have halal certificates recognised by Jakim to be imported into Malaysia, to avoid losses and doubts."

In his post, Zulkifli said Malaysians, especially Muslims, were encouraged to store in their mobile phones the halal logos approved by Jakim of the country they intended to visit.

He said the public could download the full list of halal logos at <https://bit.ly/3q27f1r>.

On Wednesday, Zulkifli report-

edly said the standard operating procedures (SOP) relating to halal food products would be launched soon.

He said the SOP would include amendments to the activities re-

lated to halal certification to prevent the occurrence of duplication of halal certificates, as well as the use of digitisation in the barcodes of halal food products.

PRAYER TIMES						
	SUBUH (am)	SYURUK	ZUHUR	ASAR (pm)	MAGRIB	ISTIAK
Melaka	6:05	7:19	1:20	4:43	7:19	8:33
Penang	6:18	7:29	1:28	4:50	7:22	8:36
K. Lumpur	6:10	7:21	1:23	4:45	7:20	8:34
Johor Baru	5:58	7:11	1:14	4:38	7:14	8:28
Kuantan	6:03	7:16	1:17	4:40	7:15	8:25
Ipoh	6:14	7:25	1:25	4:48	7:21	8:35